



Aqqalu C. Jerimiassen

UPA 2022/62

Atassut

25. Maj 2022

Aningaasaqarnikkut Ingerlatsineq pillugu Nalunaarut 2022.

(Aningaasaqarnermut Naligiissitaanermullu Naalakkersuisoq)

Pisortat suliffeqarfiutaasa ukiuni kingullerni aningaasarsiorntsigt namminersortunut unammillerneruleriartorerisa aningaasarsiorntsigt innarleeratarsinnaanerat ernumanartoqarsinnaavoq.

Aningaasarsiorneq pitusimanngitsoq aporfilersugaanngitsorlu annertooq pilersinni angassaraarput, inuup nammineersinnaassusaa tamani salliunniartussaavarput.

Nunarsuarmilu ajornartoortoqarnerani, matut matoqqartut kisiisa qissimigaarpallaanngikkaluarlugit, suut allat periarfissat takkussinnaanersut takusinnaniartariaqarpagut.

Aalisarneq aningaasarsiorntsinni qitiunerpaasuarniasinnarpoq, namminersornerup eqqunneqareernerata kingorna aatsitassarsiornikkut uuliasiornikkullu neriulluaateqarpassuit maanna tamarmik piulersimanngillat, ataatsimut isigalugu, aningaasarsiorfiullualersimanngivipput, qallulluunniit affaq angullugu uulia qaqqinngilarput.

Takornariaqarneq mittafissuit naammassiartulerneranni annertunerungaartumik ukkatarinerusariaqarlunnarparput, ajornaqaarmi nunatta avammut ussasaarutigineqarnerani nunarsuarmi sipaggarinnerpaatut pissuseqarnerput illikaallattariaqarparput, ineriartornermi akeqartuaannarmat.

Pingaarnersiuisinnaanermik ukiuni aggersuni eqqarsarluartariaqarpugut, immitsinnullu qivialaarsinnaasarsiaqarluta aperaluta; siunissami kissaatigut akissaqartilerusukkutsigt qanoq nammineq iliuuseqarsinnaavugut? Uungaanngitsoq; pisortanuku qanoq iliorniartut ineriartussagutta?

Qineqqusaarnermi neriorsuutigisartagarpassuatta aningaasartai orpimmiik naajunnangillat, uagulli maani aaliangersaanitsigt aningaasarsiornerup ilorraap tungaanut pitsanngorsarnissaanik suliniuteqarnitsigt nunarput aningaasarsiorfigissallugu orniginartunngorsinnaanera piviusunngortissinnaavarput.

Covid 19-ip kingunipiluuterpassuiarisimasai nunarsuarput tamakkerlugu maanna annertuumik atuupput, kiisamilu aningaasarsiornitta ilorraat tungaanut aallaqqissinnaanissamut killilersuutinik

apportfilerneqarani ingerlarsoqqissinnaalerfiani, Europap kangiani sorsunneq aallartippoq, aningaasarsiornikkullu killilersuutit tamattaalluta maani aaliangersukkatta nunatta karsiata immerneqarneranut allatut ajornartumik kingunerisinnaasai iisarsiaqalerlutigit.

Peqqinnissaqarfiup ukioq manna qanoq inissisimaneranit nalunaarutit affaanut killittut saqqummiunneqartut, ajoraluartumik killiffiup unammillernartumiilluinnarnera takutippaat.

Paasivarput pitsaassuseq kissaatigineqartoq angussagutsigu kr.800mio amingaatigineqartut, maannalu aningaasat isertittakkagut naalagaaffimmiillu ataatsimoortumik tapiissutit eqqarsaatigissangaanni, anguniangassaq unammillernangaatsiartussaasoq isertuunneqarsinnaanngilaq.

Ineqarnermulluunniimmi aaqqissusseqqinnissamut kinguaattooruteqaqqaneq nammineq aningaasaqarnitsigut nammassinnaatinnagu, inissiarpassuillu kataakkaluttuinnartut, taamaattoq aningaasaliuarpuqut nunatta qaqaguungaluarnersoq naalagaaffinngorsinnaaneranut suliamunngooq atungassamut.

Ila pingaarnersiueriuseqarnerput maanna apeqquernartorpaaloqarsinnaangaluarpoq.

Suut periarfissat allat qinerlersinnaangaluarpagut inuiattut tulluusimaarniartuunneq illuaallalaarsinnaasuungaanni?

Immaqa naalagaaffimmit ataatsimoortumik tapiissutit ukiunut marluk pingasunulluunniit naligi ataasiartumik tigusinnaangaluarpagut isumaqatiginninniarluarnikkut, malitsigisaanillu aningaasaq sukkanerpaamik sulisinnissaa siunnerfiliullugu, sinerissami sanaartorneq annertuumik aallarnisarlugu, inissiat nunartigassat suliarineri tamakkiisumik pimoorullugit aallartillugit. Ukiorpassuarni amikkisaartuarsimanerput matussusersinnaanngussagaluarparput, sineriammimi sanaartornikkut minitaaernerartuut immaqa kiisami akissaqarfigineqalersinnaassangaluarput, oqartarnerattuullu; kaattarpalaaq tusarsaaqqilerluni.

Tamannali eqqarsaasersuutaannavoq, arlaatigullu periarfissaasinnaasunut ilaatikkusunnaannarluni. Apeqqutaaginnarporlumi uagut maani qanoq piumassuseqarnerisugut.

Ukiuni aggersuni aningaasap naleerukkiartornera, aningaasarsiornerullu qaffassisumik inissisimanerata innarlinnginnissaa eqqarsaatingalugu, avataaniit ulluinnarni nioqqutissat atorfissaqartitatta eqqussorneqarneranut nutaanerumik eqqarsarsinnaanissarput ammaffigisariaqarparput.

EU annertungaatsiartumik niueqatigisaqaarput, sorpassuartigullu soorunami aningaasaqarnitsigut iluaqutigilluarterlugu.

Taamaattorli assiliaq anginerusoq isigisariaqalerparput, kimmuteq umiarsuartigut nioqqutissanik pilersorneqarnikkut eqaannerumik periuseqarsinnaalernissaaq ulluinnarni inuuniarnikkut akikinnerumik inuulersinnaanissatsinnut aqutissaasinnaavoq. Inuussutissalerinnermut allangartaliisarnermut inatsit nalimmassartariaqarparput, maanna EU-miit piumasaqaataasut malillugit ingerlariuseqarnerput kisiat aallaavigivallaanngikkaluarlugu nutaanerumik eqqarsarsinnaasarsiaqarpugut.

USA Canadalu tamakkiisupajaamik nioqputissanik imminnut pilersortuupput, qaavatigullu avammut ulluinnarni atorfissaqartitanut niuerluartuullutik. Naalagaaffeqatitsinnut niuerneq innarlinngikkaluarlugu, uagutsinnulli akikinneq ugartorsinnaajumallugu pisisinnaassutsip annertussusaa apparaluttuinnassanngippat akikinnerusoq toqqarsinnaasarsiaqarparput.

Atortorissaarutitigut siariartornerup malitsigisaanik inuusuttatut allatigut siunissaqarusuttut, aningaasarsiornikkullu tapertaalluarsinnaaqisut, minnerunngitsumillu nunarput innutaasullu avammut erfalasimaarutiginnissaanut tappinnerusariaqalivissorpugut.

Ukiunimi makkunani siuliani oqareernittuut, aatsitassarsiornikkut uuliasiornikkullu aningaasarsiorfiusinnaasut qiviarnissaanut piffissaajunnaarsimappat, nutaanik eqqummaariffeqartariaqarneq piffissanngorluinnarmat, suut nammineq maanna pigereerpagut inerisaaqqissinnaanitsinni? Tassunga apeqput saatissinnaavarput.

eSport-imik unammiaarnerit nunarsuarmi ukiut tamaasa anneruleraluttuinnartut, allamillu qaavatigut suliaqarani allaat tamakkiisumik inuusutissarsiuuttut ingerlanneqarluarsinnaanikuulerfiani piginnaanilittagut takusinnaanerusariaqarpagut.

Spillertartuinnartut ullumikut tikkuartussagaanni, ajoraluartumik anneranaraluarpalluunniit oqarsinnaavunga; tamanna eqqarsartaatsikkut ukiunik 20-inik minnerpaamik kinguarsimaneruvoq, periarfissanullu nutaanut upperinninnginnermik pissusitoqqanullu nippugusimaniarnerinnarmik isikkoqarsinnaalluni.

Ukiorlu kingulleq CS:GO-imi qarasaasiakkut unammiaarnerujussuarmi ajungaasuusut Los Angeles-imeersut FaZe Clan, \$2mio.-nik akissarsipput.

Tamassumallu takussutissareriiginnalerpaa, aningaasarsiornikkut nunatta avammut erfalasimaarutiginnerunissaanut qanoq periarfissat annertutiginersut.

Aalisarneq piniarnerlu soorunami Atassummiit ataqquvarput, aningaasarsiornerli ataasiinnarmut naassaannngitsumut pitusimaniarsinnaanngilarput allannguttaalisatullusooq iluseqartinniarsaralugu. Kaabilersuaq ukiorpaaluit matuma siorna siaarneqarsimasooq assiliariinnarnagu gameranut immikkut Tusass-imi internetsikkut attaveqaammik aaqqiinarli aalajaatsumik nakkaqattaartuunngitsumik.

Akilerartarnikkut aaqqissusseqqinnissaq pisussaq maanna pissanganarsiarporpoq, taannaasussaammammi ulluinnarni aningaasarsiornitsinnut annerpaamik eqquisuusussaq.

Atassummiilli erseqqissumik oqartuartererpugut, akilerartarnikkut ilanngaaterpassuit piaariarlugit akilerartut apparujussuarterinniarli, akilerartutit sippuutaanik utertoortarnerit tapertarnerpassuillu allaffissornermik annertuumik pilersitsisartut atorunnaarsillugit akilerartuutsumik oqinnerpaamik ilisiniarta.

Innuttaasullu tamarmik kaasarfimmiuat annerulersillugu tassuunakkut, periutsit qangaaniilli atortuakkatta nikittariaqalernerat piffissanngorpoq.